



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA
O DAVANJU SAGLASNOSTI ZA PRISTUPANJE PROJEKTU
UREĐENJA DIJELA LOKALNE SAOBRAĆAJNICE
BENTBAŠA – KOZJA ĆUPRIJA – LAPIŠNICA – M5
(Prijedlog)

Predlagač: Gradonačelnica
Obrađivač: Stručna služba gradonačelnice
Grada Sarajeva

Sarajevo, septembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada na sjednici održanoj dana __. __. 2021. godine, donijelo je

(prijedlog)

Odluku
o davanju saglasnosti za pristupanje projektu uređenja dijela lokalne saobraćajnice
Bentbaša – Kozja ćuprija – Lapišnica – M5

Član 1.

Ovom odlukom Gradsko vijeće Grada Sarajeva daje saglasnost gradonačelnici Grada Sarajeva za pristupanje projektu uređenja dijela lokalne saobraćajnice Bentbaša – Kozja ćuprija – Lapišnica – M5, a koji će Grad Sarajevo realizovati u saradnji sa Općinom Stari Grad Sarajevo.

Član 2.

Sredstva za realizaciju projekta obezbjedit će se u Budžetu Grada Sarajeva (u daljnjem tekstu: Budžet), i to 80.000,00 (osamdesethiljada) KM u Budžetu za 2021. godinu, a 80.000,00 (osamdesethiljada) KM u Budžetu za 2022. godinu.

Član 3.

Gradsko vijeće Grada Sarajeva daje ovlaštenje gradonačelnici Grada Sarajeva za potpisivanje Sporazuma o regulisanju međusobnih prava i obaveza na realizaciji projekta iz člana 1. ove odluke, a koji će Grad Sarajevo zaključiti sa Općinom Stari Grad Sarajevo.

Član 4.

Ova odluka stupa na snagu danom donošenja, a bit će objavljena u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:

Sarajevo:

O b r a z l o ž e n j e

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Gradu Sarajevo Molbom za finansiranje (sufinansiranje) uređenja šetnice Dariva – Kozja ćuprija, obratila se Općina Stari Grad Sarajevo, a uz koju je dostavljen i nacrt teksta Sporazuma koji bi trebao biti zaključen između Grada Sarajevo i Općine Stari Grad Sarajevo.

U navedenom podnesku se navodi da je ukupna vrijednost ovog projekta 316.115,00 KM, a što podrazumijeva uređenje (asfaltiranje) lokalne saobraćajnice Bentbaša – Kozja ćuprija – Lapišnica – M5 i to na potezu Dariva – Kozja ćuprija, s prilaznim putem i parkingom.

Cijeneći značaj ovog prostora, kako za razvoj turizma i zaštitu prirodnog naslijeđa, a imajući u vidu da će jedna od polaznih stanica za biciklističku trasu Sarajevo – Pale u čijoj rekonstrukciji učestvuje EU uz podršku gradova Sarajevo i Istočno Sarajevo, kao i općine Stari Grad, Istočni Stari Grad i Pale, jasan je interes Grada Sarajeva da se uključi u projekat ove vrste koji će koristiti građanima grada Sarajeva i svim ostalim posjetiocima ovog izletišta.

FINANSIJSKA SREDSTVA

Sredstva koja Grad Sarajevo treba izdvojiti u navedene svrhe su u ukupnom iznosu 160.000,00 KM, i to na način da se 80.000,00 KM izdvoji iz Budžeta za 2021. godinu (sredstva će se obezbijediti preraspodjelom sredstava u Budžetu Grada Sarajeva za 2021. godinu), a preostalih 80.000,00 KM planirat će se u Budžetu za 2022. godinu.